

NEKE MOA: He Pūrākau, He Whakakai

McCAHON
HOUSE

Rauemi Whakaako

Ko te hiahia kia hono ākonga ki ngā ringa toi, ki ā rātou mahi, ā rātou pūrākau, he kawenga akoranga kia whakawhanake auahatanga, kia whakawhānui pūkenga whakaaro, pūkenga wānanga. He whakamana i ngā toi me ngā ngā pūrākau ka ahu mai i Aotearoa, he whakamana i te ākonga ki te tū rangatira i āna ake pūkenga whakairo toi.

He rauemi tēnei mō te reanga ākonga tau 3-8, he taumata 1-4 i te Mātaiaho. He rauemi ako mā ngā kaiako e whakamahi hei whakakaupaparia mahi. He kaupapa ako Toi, engari e taea hoki te kawē akoranga Māori, akoranga Pūtaiao Pāpori. Kua whakarite tēnei rauemi kia ngāwari te mahi whakaako.

Ka whai pānga tēnei rauemi ako ki te nuinga o ngā whaingā ako i te Mataiaho Toi (taumata1-4).



Neke Moa
Hiaka
2022
Whakaahua na Season Aotearoa
Amo rua nīkau
Paewai, kōwhatu turua, hēmp, anga, peita, nīkau, hururoa

Kaupapa matua: pūrākau, te taiao, whakakai

He uri a Neke nō Ngāti Kahungunu ki Ahuriri, Kai Tahu, Ngāti Porou me Ngāti Tūwharetoa. Nā ngā whenua o Kakanui, me tōna kui te ngākaunui ki te kohi taonga i te taiao. Kua poipoi e ngā whare wānanga māori i ōna pūkenga raranga, pūkenga auaha anō hoki.


He rahi te tira tautoko tā Neke, mai i a Paemanu ki a Te Ana o Hine, Pae Rangi-Toi Maori Collective, DME He Rōpu Kaiwhakarei, McCahon house alumni, Season Gallery me tōna whānau; He toa takitini. Kei Ōtaki ia e noho, e mahi ana īnāianei.

Ko āna mahi he whakanui i te taiao, i ngā atua māori me a rātou pūrākau. He tino taonga te pūrākau, he kawenga whakapapa, kawenga kōrero, he wānanga, he akoranga, oti atu, he whakakotahi i te tangata. Mā te kohi, whakarite me te waihanga whakakai i ngā taonga nō te taiao a Neke e whakapuaki pūrākau.

Kua kawē ēnei mahi toi i a [Neke Mōa](#) ki ngā tōpito o te motu, otirā o te ao ki te kōrero, ki te tohaina i ngā mahi, i ngā pūrākau, i tōna mana māori ki te ao.

E hiakai ana te ao ki ngā hua a o tātou tūpuna; he oranga.

Ko te **Whakakai** he mea ka tāpiri atu ki tētahi mea, ki tētahi tangata rānei, hei whakaniko, hei whakarākei i taua mea/tangata.



Neke Mōa
Te Papakāinga o Papaīra (installation view), 2022
Part of *A Stone, an Echo, a Sign*
Objectspace, Tāmaki Makaurau
Whakaahua na Objectspace

Urupounamu

- Āta mātakina te kiriata nei, he aha ētahi rauemi ka whakamahia e Neke ki te whakairo i āna mahi toi? He aha ētahi atu rauemi nō te Taiao e āhei te whakamahi?
- Kua whakairo/waihanga koe i tētahi mea i ngā rauemi nō te taiao? He aha ngā rauemi? He pēwhea te mahi?
- Ki ō whakaaro, he aha te take ka whakamahi ētahi ringatoi i ngā rauemi ka tupu, ka hua noa i te taiao?
- Ki tā Neke, he "stories you can wear." te hanga a ōna mahi, e kī ana he kahu pūrākau; He aha ai kua pēna ngā whakaaro?
- Kua kahu koe ki tētahi taonga me he pūrākau, he whakapapa hirahira tōna? He aha taua taonga? He aha ai he miharo tēnei taonga?
- Tēna, āta whakaarohia he atua māori. Nō whea ia? He aha ōna āhuatanga? Ōna pūrākau?
- He aha tētahi pūrākau e hiahia ana koe ki te whakapuakimā te mahi toi? Me pēwhea te waihanga hei momo whakakai?

Neke Moa
Papaïra
2022
Whakaahua na Season Aotearoa
rākau, kōiwi, huruhuru kererū, rimurimu, tahei kākano,
muka, peita



Hīkoi Whakapuaki Pūrākau

Hei mahi: Āta whakaarohia he pūrākau, he kōrero tuku, he wheako.

Putā ki waho, hīkoi haere i tō rohe, ki te taiao, haere ki te awa, ki te moana, ki te ngahere. I a koe e tūhura ana, āta whakarongo, āta titiro ki te whenua, ki ngā tupu, ngā manu, ko wai rātou?

Kohi taonga nō te taiao, ngā mea kua koha e ngā atua, pērā i te rākau, ngā toka, ngā rau, tāwhaowhao, raukura, kākano rānei. Kohia ngā mea e hāngai ki tō pūrākau. Kia tūpato i a koe e kohi taonga; kua e tango noa, waiho ngā rawa mai i te rākau e ora tonu ana, me kohi mai i te papa. Kia kaha ki te manaaki i te taiao, i a koe e hīkoi ana, kohi hoki ngā para, akene pea he rauemi mō te mahi toi.

Āta whāwhā, āta whakarite ō rauemi hei taonga whakakai. He hei kaki, hei ringa, tipare he pine pea. Ka herea, ka honotia ngā rauemi mā te taura, te harakeke, te waea(wire) rānei.

Āta whakaarohia ngā rauemi i tō taonga whakakai. He aha ōna pānga ki tō pūrākau? Ka tohu pea he raukura o te here kore? Ka tohu pea he anga i te moana?

Whakamaua tō taonga whakakai! E tū ki mua i ō hoa, kōrero mō te hononga a ngā rauemi ki tō pūrākau, whakamāramahia te take i kowhiria aua rauemi. He aha te whakapapa, te kōrero mō tō mahi?

Panonitanga: mo te hunga taitamariki, mā te kaiako pea te pūrākau rongonui o te ika a Maui e pānui, e whakaako ki ngā tamariki, ā, ka kohi tahi i ngā rauemi nō te taiao ki te whakatinana i te moana, te waka me te ika i taua pūrākau. Ko te mea nui ko te whakatinana o tētahi pūrākau me te mana a ngā rauemi, me te mana a te tamaiti me tōna auahatanga.